



Prijedlog

**O D L U K A
O RASPISIVANJU JAVNOG POZIVA ZA PREDLAGANJE KANDIDATA ZA DODJELU
PRIZNANJA OPĆINE ILIDŽA**

Nosilac pripreme materijala:
*Stručna služba Općinskog vijeća
i Općinskog načelnika*

Ilidža, januar 2018.godine





Broj: 01-
Ilidža,

Prijedlog

Na osnovu člana 6. stav (1) Odluke o priznanjima općine Ilidža („Službene novine Kantona Sarajevo“, broj 36/10 i 1/14), Općinsko vijeće Ilidža na ____ redovnoj sjednici održanoj dana _____ 2018.godine, donosi

ODLUKU O RASPISIVANJU JAVNOG POZIVA ZA PREDLAGANJE KANDIDATA ZA DODJELU PRIZNANJA OPĆINE ILIDŽA

I

I Ovom odlukom Općinsko vijeće Ilidža raspisuje Javni poziv za predlaganje kandidata za dodjelu priznanja Općine Ilidža i to:

- Zlatna plaketa Općine Ilidža
- Srebrna plaketa Općine Ilidža
- Zahvalnica Općine Ilidža

Priznanja Općine Ilidža dodjeljuju se pojedincima i kolektivima sa područja općine Ilidža za izuzetne uspjehe u razvoju privrednih i društvenih djelatnosti, kao i značajan doprinos u odbrani općine.

Izuzetno, priznanja se mogu dodijeliti pojedincima i kolektivima koji nisu sa područja općine Ilidža, ako su njihovi rezultati primjereni ugledu općine.

Priznanja se mogu dodjeljivati i posthumno.

II

Prijedloge za dodjelu priznanja mogu podnositi građani pojedinci, udruženja građana, savjeti mjesnih zajednica, boračke organizacije i udruženja, političke partije, vijećnici Općinskog vijeća Ilidža, općinski načelnik, ustanove i drugi organi i organizacije sa područja općine Ilidža.

III

Kriteriji za dodjelu priznanja su slijedeći:

a) *kolektivima koji su u dužem vremenskom periodu:*

1. ostvarili izuzetne rezultate u radu;
2. ulagali u proširenje proizvodnih kapaciteta;



3. postigli izuzetne rezultate u oblasti nauke, kulture, prosvjetne djelatnosti, vjerskog života, sporta, zdravstva, bezbjednosti, razvoju komunalne infrastrukture, zaštiti radne i prirodne sredine i razvoju dobrih međuljudskih odnosa;
4. dali izuzetan doprinos u ostvarivanju prava građana;
5. doprinijeli poboljšanju uslova rada i života u MZ na području općine Ilidža;
6. značajno doprinijeli u organizaciji i pripremama za odbranu i odbrani zemlje;
7. dali izuzetan doprinos u drugim područjima života i rada.

b) pojedincima koji su:

1. inovatori na tehničkim i drugim unapređenjima;
2. doveli u opasnost svoj život spašavajući druge osobe i materijalna dobra;
3. kao donatori humano postupali prema pojedincima ili kolektivima;
4. posebno doprinijeli razvoju lokalne samouprave u MZ, općini i poboljšanju uslova života građana;
5. uspješno organizovali organe MZ i udruženja, te doprinijeli njihovom radu;
6. postigli izuzetne rezultate u oblasti poljoprivredne proizvodnje;
7. ostvarili posebne rezultate u sportu, vaspitno-obrazovnom radu, naučnom radu, umjetnosti i kulturi, na međunarodnom, državnom i federalnom nivou;
8. značajno doprinijeli u organizaciji i pripremama za odbranu i odbrani zemlje;
9. dali izuzetan doprinos u drugim područjima života i rada.

IV

Priznanja se ne mogu dodijeliti uposlenicima općine Ilidža za rezultate ostvarene u obavljanju poslova predviđenih opisom radnog mjesta, vijećnicima Općinskog vijeća Ilidža u vrijeme trajanja mandata i članovima Savjeta mjesnih zajednica u vrijeme trajanja mandata.

Priznanja se ne mogu dodijeliti kolektivima ili pojedincima kojim su ista dodijeljena u posljednjih pet godina.

V

Prijedlozi za dodjelu priznanja općine Ilidža podnose se u pisanoj formi sa obrazloženjem i relevantnom dokumentacijom (kopija diplome, priznanja, uvjerenja, zahvalnica i drugih dokaza) o ispunjavanju uslova sa naznakom za koju vrstu priznanja se podnosi prijedlog.

Svaki prijedlog za dodjelu priznanja mora biti obrazložen i dokumentovan. **Prijedlozi za dodjelu, priznanja pored podnošenja u pisanoj formi obavezno dostaviti i u elektronskoj formi.**

Prijedlozi za dodjelu priznanja općine Ilidža u skladu sa navedenim kriterijima iz ovog javnog poziva podnose se do **12.02.2018.godine**, neposredno putem Centra za pružanje usluga građanima Općine Ilidža ili poštom na adresu:

Općina Ilidža – Općinsko vijeće – Komisija za saradnju sa drugim općinama, nagrade, priznanja, praznike i obilježavanje značajnih događaja i ličnosti

Ul. Butmirska cesta broj 12, 71210 ILIDŽA

uz naznaku

„Prijava na Javni poziv za predlaganje kandidata za dodjelu priznanja Općine Ilidža”.



VI

Javni poziv objavit će se u dnevnim novinama „Oslobođenje” i WEB stranici Općine Ilidža.

VII

Nepotpune i neblagovremene prijave neće se uzeti u razmatranje.

PREDSJEDAVAJUĆI

Muhamed Omerović

DOSTAVLJENO:

1. Općinski načelnik
2. Služba za finansije
3. Str.služba za koordinaciju rada MZ-a
4. Služ. za obr., kult., sport i inf.
5. Služba za opću upravu
6. Centar za pružanje usluga građanima općine Ilidža
7. Služba za boračka pitanja
8. Služba za zajedničke poslove
9. Političke partije koje participiraju u radu Općinskog vijeća
10. WEB stranica Općine
11. Evidencija
12. a/a



O b r a z l o Ź e n j e

Pravni osnov za donošenje Odluke o raspisivanju javnog poziva za predlaganje kandidata za dodjelu priznanja općine Ilidža je član 6. stav (1) Odluke o priznanjima Općine Ilidža kojim je propisano da Općinsko vijeće raspisuje javni poziv za predlaganje kandidata za dodjelu priznanja Općine Ilidža.

Navedena odluka sadrži sve elemente propisane važećom Odlukom Općinskog vijeća i ovu odluku je Vijeće potrebno da donese najkasnije 30 dana prije održavanja svečane sjednice Općinskog vijeća povodom Dana Općine Ilidža – 12.03.2018.godine.

